

第一百零九冊

卷二十六

名賢傳四

卷二十七

名賢傳五

新纂雲南通志

盧漢頤
纂



卷之三


七言律詩

七言律詩

七言律詩

七言律詩

七言律詩



新編古今通志

卷之三

七言律詩

七言律詩

新纂雲南通志卷二百六目錄

名賢傳四

曲靖府

明

陳輕 張璁 李珉 項瑄 李彥寧

胡潔 繆文龍 陶廉 莊自勉 謝得申

朱世昌 馬夢箕 莊大化 孫聯芳 王士俊

彭之藩 李思揆

清

孔之裔 王之昭 方正陽 李燮元 張必達

丁運亨 繆以貞 李喬樟 李瀚 王育仁

孫 繩

段一臣

吳承伯

尹 治

竇 晟

王守臣

孫 昭

唐守誠

楊本昌

朱光鼎

李東昇

孫紹康

黃 緝

喻懷仁

李昌祺

孫文達

牛東健

竇志曾

鍾毓秀

湯開甲

樊如瑗

鄧國樑

李一林

麗江府

明

阿 得

高 賜

羅 克

趙 和

趙子禧

張 勉

陸 經

朱 佩

楊懷玉

楊 鑰

楊邦器

楊世璽

羅夢陽

樊 巍

彭 富

羅雲鳳

吳堯弼

閔宗聖

趙 捷

楊 提

梁州彥

楊方盛

楊應科

木增

查偉

李鳳翀

李夢明

楊應宿

陳奇猷

楊愉

趙完璧

楊士成

李灌

羅鉉

李可棟

清

李毓奇

李挺

李夢嘉

蔣綱

張徽

王向極

楊棟

馬英

和照

王輝

羅緯

趙琦

楊綽

祁鴻

楊文颺

寸秉鈞

婁師餘

郜廷俞

張星耀

張賓賢

施祚遠

施澤遠

王恭極

趙聯元

趙成榘

趙成縷

寇璜

段從先

何立言

卷之三

三

四

五

六

七

八

九

十

十一

十二

十三

十四

十五

十六

十七

十八

十九

二十

二十一

二十二

二十三

二十四

二十五

二十六

二十七

二十八

二十九

三十

三十一

三十二

三十三

三十四

三十五

三十六

三十七

三十八

三十九

四十

四十一

四十二

四十三

四十四

四十五

四十六

新纂雲南通志卷二百六

名賢傳四

曲靖府

明

陳輕字用昂曲靖衛人天順庚辰進士授刑部主事恤錄江南多所平反擢員外郎才猷懋著尋按察福建兼兵備邵武值倭寇報警叱馭而行卒平倭亂丁外艱哀毀骨立忠孝篤至

康熙志

張璁字廷璧平彝衛人成化己丑進士授南京刑部主事歷員外郎郎中以明允著出爲重慶知府弘治初南贛閩廣夷寇爲亂擢江西兵備副使治城池積糧糗練士卒修器械設險隘建七縣城堡賊憚之不敢出後與當事論不合拂衣去盜復起兩廣都御史鄧廷瓊等

奏南贛不可一日無璁持詔留之遂築南康城賊望風解散尋以疾辭歸璁剛正不阿盤錯立斷墨吏斂手比歸橐中蕭然

雍正志

李珉字美中烏撒衛後三所人即今之宣威也少負氣節能文章中貴州壬午科鄉試成化八年成進士除知寧國縣甯國有官田租重佃者甚苦之珉按實其畝平其肥瘠量度爲成法減舊額什之五六官民皆稱便頃之擢御史彈劾無所避時王臣橫暴汪直羅織縉紳梁芳尙銘引用妖邪珉抗疏發其罪一妖人三大璫以次誅貶直聲大震出按四川湖廣疏奏貴州站舖兵之苦因得月支口糧尋以四川僉事告歸卒於家子銑弘治二年舉於鄉以文學世其家

清一統志 貴州大定府志 威寧

項瑄字國珍南寧人性剛毅不求聞達雅好山水所至多題詠教子

志州

弟以愛親敬長良知良能爲首務督學童軒欲奏補本學教授力辭不就及卒鄉人私謚爲清慎先生二子藻蓬俱領鄉荐

參雍正及道光志

李彥寧字士安南寧人幼端凝不苟訾笑正德間以選貢除魯府教

授稍遷安陸王長史世宗時爲王世子從彥寧受學素見禮重及立

爲帝論藩邸功欲不次超擢彥寧堅辭乃拜大常寺少卿時與楊一

清可否大議帝呼爲國師執禮如弟子退朝輒臨其第前後賜金幣

無算廕子指揮皆不受但請蠲王府莊地永爲學田年七十乞還帝

遣中使護行彥寧歸裝無長物俸祿餘資日與故舊歡飲不置田宅

年七十三卒

明南寧知縣王淳國
師少卿李公墓志銘

胡潔字汝清曲靖衛人正德戊辰進士授黃岡知縣興賢剔蠹通水利農皆有成績擢監察御史巡按直隸浙江獎廉懲貪風裁凜然晉

光祿寺卿及退歸鄉里每朔望必燕會同宗以示敦睦

萬曆志

繆文龍字見甫一字陽泉烏撒衛後三所人即今之宣威也其先自南京華亭來著軍籍祖父仁有隱德父良玉字子瑄性篤孝明正德五年舉貴州鄉試計偕北上至瀘州心動即趣歸其父果病臥越七日卒哀痛慘切喪葬盡禮初任雲南寧州訓導日與諸生陳說必自其身之所有者迪之往往出於文字語言之外旋丁內艱服闋補教四川墊江歷陞資陽鶴慶其教諸生皆如教寧州時士經指授多爲聞人孫繼魯其最優者也癸巳陞營山縣令營山舊爲殘刻所苦良玉至悉以寬法處之邑賴以寧丙申以疾歸建宗祠置祭田撫姪文明若已出每攜之任而教且婚之俾底於成烏撒衛附雲南鄉試又去京遠諸生應試及貢國子者類艱資斧不往良玉購地數千頃歲

入粟數千石以爲科舉之費進取之士咸賴之時有回祿之變所居左右廛市屋廬以百數皆燬而其宅獨完人咸異之新都楊慎謫過其地爲榜之曰瑞室後以子文龍貴封御史云文龍性孝友質直而穎異能文未成童補衛諸生嘉靖十年舉於鄉十七年成進士觀政戶部出使四川陝西以持重名還除石首縣有能稱調松滋決疑案旋還本任爲民築江堤長二百餘里擢河南道監察御史時湖貴苗起殺掠吏民擾數州縣總督調兵搗穴未獲其渠遽以捷聞而苗又大出朝廷莫敢言文龍抗疏劾去其官時目爲眞御史嚴嵩秉政起已斥同年生萬鏗副都御史相機勦撫湖廣蠟爾山蠻文龍言鏗勦撫皆失詔下撫按官勘覆歸罪於參將李經事乃解其巡視江南時水盜斂迹事竣乞歸省覲其父母促還朝奉使清軍四川值巡撫巡

按以事去職文龍總攝二臺批答如流吏不容姦民無負屈時清軍
御史與撫按稱三臺人稱之爲三臺神君云旋相繼丁內外艱服闋
改浙江道監察御史擢四川左參議陞雲南按察司屯田副使時雲
南屯政大壞軍職狼貪有折色及橫征之弊而屯田又多爲軍吏所
隱文龍至則皆斂手田復其初因勸屯軍早輸董之以有司而不假
手軍職屯軍稱便武定土婦瞿氏與其子婦索林爭權索林抱土官
印奔雲南會城撫按遣文龍解諭歸索林論功陞按察使越二年索
林爲鳳繼祖所攻復奔會城撫按議討繼祖文龍謂武定密邇省城
聲討必屯兵聚糧繼祖聞必速來犯恐兵未集糧未聚省城已受其
困不如姑撫之且繼祖鳳氏所養而索林欲殺之彼此相攻罪不盡
在繼祖也巡撫曹忭入其言乃收索林逮左右鄭鋐繫獄令瞿氏暫

領土府事貸繼祖罪令自新於是武定之亂定明年陞左參政尋卒官年五十六著有奏稿詩文集武定或問各若干卷皆不傳弟文鳳

字仰泉以明經仕至合州通判爲人亦有行業能成其兄之善文龍

於桑梓多善舉文鳳皆贊之且爲經理其事故鄰人稱焉文龍及父

良玉皆祀大定鄉賢祠

貴州大定府志

威寧州志

黔詩紀略

明史李默傳

張鶚翼栗齋繆公墓誌

劉輔繆陽泉墓誌

萬曆志

按萬曆志載繆良玉作霑益州人蓋明時霑益州治與烏撒衛後三所同爲今之宣威而繆氏實衛籍故康熙以後各志皆失載衛籍多江南望族地方文化關係甚鉅故詳考而備載之

陶廉字介夫南寧人嘉靖己丑進士歷官九江知府皆有惠政卒於

官祀吉安沅州名宦

萬曆志

莊自勉字子貢南寧人隆慶間恩貢授德陽知縣成都衛卒爲其尉

凌虐尉以事入德陽境衛卒潛聚於仙人鎮欲殺尉縣捕兵救免尉告鎮民窩盜殺人縣令失覺察撤於臺司鎮民懼罪匿自勉如不聞徐縛衛卒十餘人白其狀上下恬然民始復業軍興挽運時值察丁即照丁給米運之民以不擾居鄉尤多隱德後以南昌府通判致仕

雍正志

謝得申字芳洲曲靖衛人萬曆壬辰進士任順慶府推官有直聲撫按以銓諫薦命甫下病卒

康熙志

朱世昌字章義曲靖衛人萬曆辛丑進士由舒城知縣擢禮兵二部主事皆有政聲

康熙志

馬夢箕尋甸人萬曆己酉舉人任羅定知州擢常德知府立身清介鄉人欽之

康熙志

莊大化南寧人萬曆己酉舉人授鄱縣知縣秉性耿介署清如水至
晨炊不繼晏如也六載考滿擢王府審理貧無以治裝士民斂金以
贈力郤之留滯岳陽三年訓蒙自給

康熙志

孫聯芳字伯才陸涼人萬曆九年選貢少貧失怙事母至孝躬自傭
績以備養贍弱冠嗜學嘗以薪燃火夜讀通孝經春秋尙書尤精於
星緯地理授石屏訓導以母老辭歸與從弟聯科訓族人子弟居恆
寡言笑至論事持大體多所救正云聯科字捷齋亦貢生任眉州學
正修三蘇遺跡建眉山書院生平學問出處與聯芳相類鄉黨竝重

之

陸涼州志

王士俊陸涼人父希聖萬曆間恩選以孝友著聞士俊亦以天啟元
年選貢任徽州州判居官清正時三邊總制楊純武士俊同年也未

嘗干以私權文縣事殺流賊甚衆後辭歸孫可望等入滇以其有德
於陝戒士卒勿入其門

陸涼州志

彭之藩尋甸人崇禎間貢生有學識敦品行捐資修學課藝傳經鄉
人重之

雍正志

李思揆字鶴胎南寧人吏部郎希揆弟布衣工文詞善草書流寇陷
曲靖思揆不屈斷左右手絕復甦以筆縛肘鈔書六十萬餘言

師範滇繫

清

孔之裔字泗英霑益人諸生性純孝幼孤苦刻意讀書手不釋卷博
通經史遭流寇之難別其右手以左手執筆生平恥言臚利居家教
授以孝友廉恥躬行實踐爲鄉人法四壁蕭然晏如也著州志略年
八十四無病而卒

露益州志

王之昭字涵照陸涼人幼隨父士俊宦闈中嫾於吏治由順治己酉選貢任江津知縣有權貴屬令坐五六人於死地之昭雪其枉凡邑有利病不持兩端風操凜如擢知州權湖南麻陽縣事時流氛初息田荒逋賦之昭覈實悉免之勸農講學土爲建生祠及解組家居啜疏飲水泊然寡營以教授鄉人爲已任著有大學解玩易篇藏於家年八十二從容危坐以終

陸涼
州志

方正陽字麗生陸涼人幼豪邁有大志九歲而孤逾年又失母遇沙賊火其居依舅氏王之昭探河洛之學浩乎有得遂不事舉業意解超卓常出經生意表年三十僞周脅爲儀郎不應將見殺佯許之至衡州乘間遁歸更名鐸字木公顏其室曰覺齋聚親友子弟講易其中鄉鄰罕見其面如是者四十餘年

陸涼
州志